



# Di Sait vo Lusérn

## Da Zimbar boch

Dal 20 al 24 novembre si terrà a Trento, c/o la Libreria Ancora – Artigianelli, la Zimbar boch, la settimana della cultura cimbra: un'importante opportunità per approfondire alcune tematiche legate a lingua e cultura cimbra

Von menta 20 affon vraita 24 von bintmånat bartze haltn ka Tria, in di "Libreria Ancora", da Zimbar boch, a boch zo khenna pezzar da zimbar mindarhait pitt meararne kulturál trèff augilekk von Toalkamòu vodar Zimbar Hoachebene pittar hilfe vodar Provìntz vo Tria, von Kulturinstitut Lusérn un von Kamòu vo Lusérn.

An menta 20 dar diretòr von Kulturinstitut, dar Willy Nicolussi Paolaz, bart ren von trèff bodase bartn haltn auz pa boch un o von arbatn un von prodjèkthe boda khemmen vürgetrakk von Kulturinstitut auzohalta

da zimbar zung; 'z barta o soin dar Matteo Nicolussi Castellan vodar Autorità vor di zungmindarhaitn un dar vorsitzar von Toalkamòu, dar Isacco Corradi.

An erta 21 dar profesór Ermenegildo Bidese, vorsitzar von Bizzkomitatt von Kulturinstitut, bart ren vo bia di zimbarn hám gelebet un lem no haüt pittn vichern von beldarn un an mitta 22 bartma mang zuargian zo höara in Alessandro Anderloni ren übar 'z lem vonan faff von Draita Kamöndar.

An fintza 23 barta soin a trèff pittar dichtaren Roberta Dapunt, di profesören

Patrizia Cordin un dar ünsar Andrea Nicolussi Golo boda, vor biane zait, hatt übarsézt a gedicht-puach vodar Dapunt. Da Zimbar boch bartze spèrrn pittar Luisa

un pittn Andrea Nicolussi Golo boda bartn aulesan un aukontàrn alln in khindarn di zimbarn legénde.

R.P.

## Vorgèllz Gott in Dokumentationszentrum Lusérn



*Con il 31/12 finisce l'esperienza della ONLUS Centro Doc. Luserna. Quasi 28 anni di lavoro, di promozione del territorio, di accoglienza dei turisti e molto altro per un museo lontano dai grandi centri abitati, ma in grado di registrare una media annuale di 12.000 visitatori. Il 5/11 è terminata l'ultima stagione museale del Centro, che riaprirà in via eccezionale dal 26/12 al 31/12 per poi essere assorbito dal Kulturinstitut Lusérn-Istituto Cimbro*

"Hattar gesek ke sa hám augemacht an musèo kan Valantìn?" Asó hamsa gehatt khött di lusérnar/en 'z djär 1996 segante in kantiar ka dar alt Osteria Alpina. Di idea zo macha sèmm an museo boda hettat gemocht haltn un kontàrn alln di stòrdja von lusérnar, von zimbarn un asó vo soinar bëlt, iz khent vürgetrakk 'z djär 1995 von Gianni von Zaiga, alz

pürgarmaistar, un von Luis von Kastelé. Von sèll djar vort, ploaz lusérnaren un lusérnar, djunge un mindar djunge, stòrische un diretòrdar hám gearbatet vor in musèo boda hatt gemak auleng auzlegom un manifestazióngen geholft vodar Redjóng Trentino-Südtirol un vo ploaz àndre istituzióngen boden hám hèrtä eppaz gëtt. Auz pan earstn djardar von 2000 dar

musèo iz khent auzgerichtet un asó auzgebetart un von djar 2005 hattar inngevank an tòkko haus von Rheo Martin Pedrazza, machante inn a pinakotèk boda trakk soi nám. In dise 28 djar arbat dar musèo iz gánt in telivisióng un atti djornél vodar gántzan bëlt, kontàrante von ünsar khlumma lânt, von Earst Bëlkriage, von vlaisch-vrèzzarn, von Alpm un von

lem von pèrgarn un vodar kultùr von stördjela un fabln. Allz ditza bart auspèrrn atz 31 von kristmånat un bart khemmen vürgetrakk von Kulturinstitut Lusérn. Un asó est mochparz soin biar zo khöda in musèo "Bobràll bo do geast, gedénkh ber du pist!" azpeda iz geschribet att soi maur.

Dar Nachtvogl

*La nebbia a Luserna accompagna i suoi abitanti da fine estate a quando arriva la primavera. La nebbia intimorisce tutti, dai più piccoli ai più grandi, forse anche per via della leggenda del Sambinélo. Ma per chi la sa cogliere, la nebbia può essere anche un momento di pace e riflessione, dove i suoni del bosco si sentono come non mai*

atz Lusérn hatt finamài a stòrdja alla soi: da sèll von Sambinélo. Un furse iz vor daz sèll o ke, in ünsar lânt, vörtetmase. Astode vorlärst pinn nebl, apze 'z khüttia di stòrdja, pisto neméar guat zo venna in bege zo riva bodrùmm dahùam. Dar nebl però iz patze o. Pinn

nebl izta ummar niamat; khummane laüt un bintsche aute. Un asó, azma bòllt, makma höarn gerècht di vichar von balt un allz daz sèll boma senónda nèt höarat.

An gruaz  
Samuel Pedrazza



Dar nebl iz eppaz boda atz Lusérn macht kompanjia in laüt ettlane tang atti boch, hevante à vo balda rift dar summar, nà in gántz bintar, fin ka längez, balda zorgéat dar snea. Dar nebl iz eppaz, vor berda khint vodar statt, apze i, boma nèt sek alle tang un boma

nèt sait gebónt z'sega. Dar nebl macht di vort in khlumman un in groazan o. In khlumman ombrómm sa mang nèt gian ummar zo spila apze hèrtä un in groazan ombrómm balsa soin pinn auto mochansa gian lesegar un seng bintsche nicht. Dar nebl



## 'Z manèstar von toatn

*Sono molte le testimonianze del "Manèstar von toatn – la minestra dei morti" detta anche "Z manèstar von armen sealn – la minestra delle povere anime" nel territorio della "Zimbar Earde – Terra Cimbra". Nonostante qualche variante, era comune l'usanza di preparare una zuppa a base di orzo, ma anche patate, fagioli e lenticchie, che veniva poi offerta ai giovani che, la sera del 31 ottobre, passavano di casa in casa a fare la questua*

Dar bintmånat heft à gedénkhante ünsarne altn un vor djar, zo vaira di armen sealn, di laüt vodar gántzan Zimbar Earde, hám boróatet "Z manèstar von toatn", odar "Z manèstar von armen sealn". In lest abas von bimmat, intànto azta hatt geläütet di klokk von toatn, di djungen soin gánt ummar zo vorsa disa supp (gemacht pitt gerst, patàttn, vasöln un lisan) un hámse gëzzt vorá dar tür von häüsarn. Tüanante asó di djungen hám gedénkt ke

APPUNTAMENTO  
DELLA MINORANZA CIMBRA  
DI LUSERNA



Istituto Cimbro  
Kulturinstitut Lusérn

Tel. 0464-78.96.45  
info@kil.lusern.it  
www.istitutocimbro.it

## DI SAIT VO LUSÉRN

### MÈLDUNG

Dar Kulturinstitut Lusérn süacht meararne laüt vor in prodjèkht "Di sait vo Lusérn".

Di laüt mochan schraim artikln – in da zimbarzung vo Lusérn – boda ágian dar zimbarzung, in zungmindarhaitn, in lânt vo Lusérn un in lentarn boma hatt geredet azpe biar in an stroach.

Di artikln bartn auzgian a bòtta attn månat – in earst vraita von månat

hevante à von vraita 5 von hochnach – atti tagezait "I'Adige" un atti websait von Kulturinstitut Lusérn. Berdasan bill bizzan mearar mage årüavan in Kulturinstitut Lusérn. 'Z izta zait innzogeba di domànda **fin di zbole von fintza**

**7 von kristmånat** un zo tüanaz mochtma auzvülln in formulär boma vennt atti websait von Kulturinstitut Lusérn.

E.v.K.